



Tuhaayaghat

Tuhaqtitaunariqtughat

Tipaakuq Inighaittuq Hamani - Higaaruiqtughannguqtut

IQALUIT, NU (January 16, 2014) – Kavamatkut Nunavunmi Havakviat Aanniaqtuliqiyit higaaruiqliqtut higaayuktunik atuqpaktuniklu tipaakunik hamani aviktuqhimayumi taja “higaaruiqtughannguqtut.” Pingahuuliqtut ukiut kavamatkut imaa “Tipaakuq Inighaittuq Hamani” ilihimaquiliqtut.

Nunallaat Nunavunmi tamaat quviahuitiginiaqtaat taapkua “Tipaakuq Inighaittuq Hamani” taapkualu Kanatami Higaaqtailiyughat Upluutait aallatqijingnik hulilukaatillugit atuqtillugit January 19-mit – 25-mut, 2014.

“Tipaakuqtuqtut Nunavunmi amirnainnaunngittuq aanniaqtailiniqmut. ‘Kukiittirnaqtuq hivunighaptingnit’ aanniqhipluni ilaptingnik, nunaqatigiingnit, ilitquhirnik maniutiplingniklu,’ uqaqtuq Nunavunmi Aanniaqtuliqiyit Ministaat Monica Ell. “Nunavunmiut naklighaannginnanngittut, tammaivallialiqtugut inuttiavangnik tipaakuqtuqnirmut. Higaaruiqtughannguqtut. Higaaruiqniq aturuiqniqlu tipaakunik ayurnaqtuq, kihimi taimaaqpaliqtughauyugut. Tipaakuqtuyuktut taimaaquyauvaktut. Imaatut uvaptingnut aanniaqtailinnaqtuq.”

Ukiumi atuqtumi, “Tipaakuq Inighaittuq Hamani” ilihimaquiyut tipaakuqtuyuktunik taimaa uuktuqlutik “Higaaruiqtughannguqtunut” akimanahuaqlutik. Inuit higaaruirumayut tipaakuqturuirumayut tatqiqhiut March 2014 atuqtillugu, akimanahuarniat aittutinik, aullaarutighaniklu \$5,000-taalanik qaritauyaniklu MacBook Pro-mik. “Higaaruiqatigiiktut” ikayuqiita akimanahuarniaqtullu iPad mini-mik. Ilauyumayut uuktuinnarialgit talvani



www.timetoquit.ca talvaniluuniit www.nuquits.gov.nu.ca. Uuktuutit naunaitkutallu titираqavikkut tuyuqtauniat tamangnut aimavingnut Nunavummi hailiyaulutiklu nunallaat munaqhiqarviinit. Akimayut taiyauniaqtut April-mi.

Ukiumi atuqtumi, kavamatkut ilavalliayut ikayuqtighanik higaaruirahuaqtunut ahiillu tipaakuqtuyuktunik. Akiittut hivayautikkut ikayuqtighat hivayainnarialgit upluq tamaat talvani angmaumayut 24-nik ikaarninik Nunavut Higaaruiqvianit, 1-866-368-7848, ayuiqhahimayut ikayuqtit uqaqatigiinnarialgit qaritauyakulluuniit talvani www.nuquits.gov.nu.ca January 20-mi aullaqtirahuat.

Naunaiqhiyumaguvit huliyunik nunallaarnit, hivayaqlugu munaqhiqarvik qaritauyakkut takuluguluuniit www.nuquits.gov.nu.ca taapkualuuniit Havakviat Aanniaqtuliqiyit qaritauyakkuurutait www.gov.nu.ca/health.

"Higaaruiqtughannguqtut" akimanahuaqtunut naunaitkutait, maliktaghallu, hailiyauniaqtut talvani www.timetoquit.ca January 20-mi aullaqtirlutik.

###

Tuhaqtittiyit hivayautaat:

Ron Wassink
Tuhaqtittiyit Havaktiat
Havakvianit Aanniaqtuliqiyit
867-975-5710
rwassink@gov.nu.ca

ᓇᓱᐊᕗᑦ ዘመᓂ ላይ ᓄᖅᓘᓚᐅᖅ
News releases are available in Inuktitut, English, Inuinnaqtun and French on www.gov.nu.ca.

Tuhaqtaghut ittut Inuktitut, Qablunaatitut, Inuinnaqtun Uivilitillu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.